

尤 籟

射 紀



籟

紀

王叔齋
撰

中
華
書
局

叢書集成初編

尤 射（及其他一種）

中華書局出版發行

（北京王府井大街三十六號）

秦皇島市資料印刷廠印刷
一九九一年北京第一版

開本：七八七乘一〇九二毫米三十二分之二
統一書號：ISBN7-101-00894-1/K·367

叢書集成初編所選
知不足齋叢書唐宋
叢書夷門廣牘皆收
有此書知不足唐宋
本均爲一卷夷門本
爲三卷故據以排印

簞籟紀序

陳侍中將軍祭酒新蔡王叔齊撰

夫一元上始、無聲臭也。二氣方坼、斯喘動哉。是以乾坤畫而風雷至、往復定而律呂存。人肖玄樞、耳爲虛際。故聆虛器則潮震、語空山則谷應。蓋有形斯氣、有氣斯響。靡往弗充、接之則有也。予遭變故以來、骨出奄已漂淪、氣餒頓乎消歇。裸將京邑、夢寐丘陵。旣慙瓜美青門、祇哭黍離白下。故雖強對妻孥、都非舊子。坐臥起、觸耳成悲。古人云、樂一也、喜者聽之喜、悲者聽之悲。豈靈造之變更、亦人心之遷適也。爰取子三籟之義、嗣采史傳八風之言、附諸有聲、彙爲一筴。將以上循麥秀之音、下據離騷之感。冀同遇者覽觀、非敢語於中和之君子矣。

陳書本傳

新蔡王叔齊字子肅高宗第十一子也。風采明贍。博涉經史。善屬文。太建七年立爲新蔡王。尋爲智武將軍。置佐史。出爲東中郎將。東揚州刺史。至德二年入爲侍中。將軍。佐史如故。三年入關。隋大業中爲尙書王客郎。

故陳智武將軍東中郎將東陽州刺史侍中國子祭酒新蔡王

墓誌銘

陳記室參軍吳興沈志道撰

王諱叔齊字子肅宣王帝十一子也。金枝衍於寶樹。近光啟乎神文。玉液派自穹潢。遠承休乎聖武。輝分日月。勢藉風雲。德茂昆孫。道昌屏翰。母劉昭儀生王。七歲能誦六經。既悟玄寂。兼曉詩賦。豈緣四教。夙有文章。何假三選。生來俎豆。雖胎誨之神明。良嶽降之靈淑也。大建七年秋。甘露降樂遊苑。詔羣臣賦詩。王獻詩曰。靡收秉素節。天地舍金商。聖德彌三及。雲津洽四方。願言沃梁穆。何意潤華芳。玉屑儲靈藥。金莖瀉瓊漿。和爲上方飲。千秋萬歲長。帝大奇之。尋立爲新蔡王。智武將軍置佐史。珪璋誕析。允愜家情。節鉞爰加。特隆國禮。八年春。敕與太子及諸宮僚以資問學。愛鍾穎彥。眷錫甄陶。旣振履於青宮。復談經於絳帳。詞高郢上。則金石爭鳴。賦就梁園。則雲霞比爛。誠有國者之佳公子。豈直當亡者之貴介弟而已哉。十三年。出爲東中郎將東陽州刺史。好二毛以同車。恥三年而報政。東平樂善。惠推山海蒼黎。子建多才。坐滿甌餘英秀。明年宣帝崩。王哀毀踰禮。寢疾幾年。後主聞之。召爲侍中。將軍佐史如故。顧明初。疆宇日促。外憂頻乘。舉措顛覆。政教崩弛。王憂懷邦國。痛惜仁賢。且以手足之親。居肘腋之地。吳國亡而怪季子之不言。魏事非而甘信陵之必去。以故殷勤論諫。指摘是非。事關善敗。無復顧忌。乃若救傳章之死。則泣上議賢之條。發施江之奸。則憤請上方之劍。愛其所惡。伐其所親。猶短度被之驕工。藥石投之諱疾。身雖雖而弗嘗。器卽敗而靡悔也。於是讒從中起。忌由外生。君臣之分嫌。兄弟之恩衰矣。頃之坐事。詔免侍中將

軍佐史遷國子祭酒王遂自求引退謝客杜門舉目山河空有匪狐之歎傷心骨肉何來見豕之猜知神器之將摧憾一身之尚在耳未幾北軍飛渡南氣告終君公王侯盡爲臣妾宗社云亡功德與馨香俱盡乾坤無改金甌與瓦缶同移裂冠冕以齊民就徵纆而俘虜旣入關徙河西地千里雲山何處江南故國三秋霜雪奚堪河右他鄉祇躬親耕耨以奉昭儀旣遭內艱三年斂齒蓋仁孝出自性成雖顛沛守之弗失時寓處河西幾及二九採薪漁釣謂將終身塊坐蓬居讀書自若每道遙離落諷詠離騷或喜或悲乍哭乍笑寧以懷王不返旣沈函谷游魂屈子何顏未是湘潭溺鬼感情事之彷彿哀今昔之未然也嘗推屈原之旨著顧紀三卷蓋緣氣類之動以觸身世之感上述廟社下傷宗親雖詳寓乎興替亦自見其竄愁讀其書者詞不終而聲已吞玩其意者旨未析而淚先下東海徐儀見之泣曰亡國之戚豈惟一人種豆之禍要宜三省王因祕之乙丑歲王以陳貴人故召爲尙書主客郎遷國子司業以神明之胃陟清顯之階視將于京作賓王室緬悲夏殷之無祀猶幸杞宋之有人大業四年十月某日以疾卒於京師春秋四十明年正月某日厥胤孝思以王喪葬於梁山之陽嗚呼荒原落照詎知異日陳荻古跡悲風庸計卅年拱木旣生存之多慮亦長寢以爲安志道以故吏薄遊京師幸伸一拜偷生海島已孤義士之魂正空何慚空效賈生之哭適爲之銘曰

於王後期遭辰不嘉運當夕曜勢爭朝華貴賤同途生死奚嗟虞卿之書邵平之瓜一身何責四海無心梁山之阿王之室邪

賴紀

天籟凡一十四章

人籟凡一十五章

地籟凡一十三章

天籟

條風一曰炎風起自蠻天方
土之蒼門從東北來

陳子聞而賦之曰噫條風之沕穆兮出萬物而條治釋寒冰而方堅兮噓陳荻於既死睹漸流之汎汎兮漢方舟之南逝感羣類之有復兮哀吾生之終否

明庶風一曰谷風起自界天
昭明之門從東方來

陳子聞而賦之曰噫谷風之習習兮明衆物而彈出榮芳春之韶豔兮噓漸漸其秀麥審雨露之有期兮懼芬華之頓息時冉冉其告嘗兮痛皇考之不食

清明風起自陽天波母
之門從東南來

陳子聞而賦之曰噫清明之振振兮吹萬物而西適覽動植之向榮兮念予降於五日繫始髻而邦之蔡兮壯齊戶而載陟曰予受命於天兮豈公子之我失

景風一曰凱風又曰薰風亦曰巨風
起自赤天之暑門從南方來

陳子聞而賦之曰噫飄颻之景風兮鼓極陽而斯竟惟物奮之將零兮知先業之不競何虞舜之垂裳兮

歌南薰而解乎民愠。彼商均之不肖兮。歸四海於文命。

涼風起自朱天。駕駒之白門從西南來。

陳子聞而賦之曰。噫涼風之卒至兮。氣沈奪而趨悴。景瑟瑟其愁予兮。溽白露於唐砌。億樂遊之嘉會兮。極南州之鴻士。惜異物之奄迫兮。慙一身以媚世。

閭闔風起自成天之間。閭闔門從四方來。又曰。閭風亦曰秦風。

陳子聞而賦之曰。噫盲風之颺颺兮。閭萬品於黃泉。悲草木之靡落兮。感生事之暮年。將憑衰而過隕兮。見神靈之無顏。聊仙桂以自佩兮。掇芳菊以爲漣。

不周風一曰麗風。起自幽天。幽都之門從西北來。

陳子聞而賦之曰。噫肅肅之不周兮。哀有生之盡劉。氣劈發而襲予室兮。塗版屋以綢繆。追孩提之宮虛兮。隱雙闕之廣修。去傳舍之無幾兮。恣麋鹿之所遊。

廣莫風玄天。一曰寒風。又曰涼風。起自北方來。

陳子聞而賦之曰。噫廣莫之蓬蓬兮。負一陽而上舒。則先王之閉關兮。衷紛濁其焉驅。厲晏歲之冰雪兮。猶無溫之故襦。閱慈母之手澤兮。痛罔極以躊躇。

雷陰陽相薄而爲雷。天地之鼓也。

陳子聞而賦之曰。來殷殷以疾舉兮。撼坤維而崩蕩。鼓含生以長途兮。慨心壯之永降。彼君子之修省兮。

奉天威以寅亮。惟狡童之不戒兮。乃終喪乎匕鬯。

雨陰陽相
蒸爲雨

陳子聞而賦之曰。惟太陰之次畢兮。乘玄雲之祁祁。衡君德之狂肅兮。乃或恆而歲時。滅燭龍之偉耀兮。動子桑之歎歎。驚南冠之長往兮。爲士偶之所嗤。

霰一曰霰雪。水雪雜下也。雪自上。下。霰爲溫氣所搏。故曰。陽之專氣爲霰。

陳子聞而賦之曰。瀟迴霞之雜選兮。溯流風而逸起。詠雨雪之遺旨兮。年既邁乎三紀。慚不惑之予遠兮。毛斑斑而齟齬。聊飲酒以背會兮。悼親戚之無幾。

霰結成電。故曰。陰之專氣爲霰。霰之流也。陰氣暴上。雨則凝。

陳子聞而賦之曰。驅驚頽以下降兮。躍冰丸以破屋。摧薶麥之方振兮。殺旣坼之荏菹。縣枵腹以待哺兮。峻夫告言以有覺。豈天誤予之負名兮。戒子食夫周粟。

雲水下遇寒而凝。因風相襲而成雪也。

陳子聞而賦之曰。紛玄液之上凝兮。色杲杲而返母。似飛鱗之高撒兮。扣霏屑於蓬牖。豈焦舌之莫辨兮。實病聰之所咎。弛昔余之桑土兮。瞻玉樹而長詬。

餘溜雨後聲。澆餘溜也。

陳子聞而賦之曰。瞻霖霖之霏微兮。染陶瓦以驟濕。灑洪滋於方至兮。繼餘潤而晚及。挾鳴漏以宵下兮。

和孤嫠之夜泣。擊愁心之欲碎兮。弄甘焦以點滴。

人額

野哭野哭者死喪離別。激於中而發也。

陳子聞而賦之曰。聲慙慙以激予兮。來莫知其誰氏。鬱悲音以乍斷兮。振餘傷而復起。將勾踐之去國兮。抑哀姜之過市。懷江南以隕涕兮。壯包胥於泉裏。

聞嘆聞嘆者聞人嘆之嘆嘆聲也。

陳子聞而賦之曰。夜蕭寂以澄予聽兮。聆有喟之嘆音。知時運之多紛繆兮。昧陰陽之有屈伸。置彼樞之不可奪兮。俟我生之有辰。欲尋聲而遠慰兮。故再三而莫禁。

孤嘯孤吹聲也。又嘯聲也。

陳子聞而賦之曰。軋喉舌之妙響兮。寫清商於天表。關流雲之既合兮。落驚禽於枝杪。洵魯女之憂懷兮。動傍人之嗟悼。將倚柱以循和兮。爲孰少而孰老。

市譁市譁者來城郭競市之喧囂也。

陳子聞而賦之曰。喧新豐之雞犬兮。諱咸陽之大賈。爭魚鹽之湧集兮。望繪粟而遙赴。朝摩肩以有求兮。夕掉臂而不顧。恐五尺之見欺兮。懼三之多虎。

村唱村唱者村落之謳吟。里巷之聲調也。

陳子聞而賦之曰。噫。類曜之既匿兮。紛下來之牛羊。乘離落之煙火兮。出鳴鳴之韻揚。歸南山之種豆兮。起陌上之採桑。痛貞良之摧損兮。悲淫佚之抵亡。

宵春

宵春者。民家夜確杵臼之聲也。

陳子聞而賦之曰。協勳止於大易兮。驗豐凶於象垣。運長筮以宵振兮。激飛輪以夜翻。擣饑腸以欲絕兮。驚饑夢之幻澹。懷斗粟之悲歌兮。怪亡人之見殘。

夜織

夜織者。閨中機杼之聲也。

陳子聞而賦之曰。有空閨之嫠婦兮。畏秋衾之夜長。躍奔梭以吐霧兮。轉鳴軸而捲霜。聲幽軋以若訴兮。見靡他之衷腸。謂君子之永逝兮。將爲誰之衣裳。

擣衣

擣衣者。秋深治衣之聲也。

陳子聞而賦之曰。陟涼颼之發發兮。遞秋礪之微微。振木葉於將墜兮。挾哀音而下飛。摧壯遊之行色兮。怯關河之舊衣。寧溝壑以自處兮。無綈袍之故知。

城柝

城柝者。邏卒柝聲也。

陳子聞而賦之曰。崔危堞之拂雲兮。戒鳴柝之宵厲。引飄風以忽遠兮。雜零雨而驟至。驅暴客以遐遁兮。閱征夫之勞勩。宜五丈之莫犯兮。何城門之不閉。

戍鼓

戍鼓者。郡縣戍更之鼓聲也。

陳子聞而賦之曰。巖徐徐其釋奏兮。削沈沈其倦數。燈含陰以將滅兮。扃千門而萬戶。髮方謝而復振兮。節嘻吁於將度。憐羈魂之未寤兮。謂朝陽之禁鼓。

昏鐘昏鐘者。鐘聲也。昏鐘夜之鐘聲也。

陳子聞而賦之曰。警宵晨之代謝兮。宣晁垂之令音。載白月以遙度兮。隔層霜而遠聞。雖虛受以如響兮。非寸莛之可因。謂君子之有思兮。如賈降之武臣。

巷笛巷笛者。村巷吹笛聲也。

陳子聞而賦之曰。志噤鬱其無歡兮。步跼蹐而登樓。聲惋惋其愁予兮。瀉芳音而漫流。長關山之白髮兮。來城闕之素秋。臨悲風而悵望兮。懷故國以多憂。

邊笳邊笳者。胡人捲蘆吹之作聲也。

陳子聞而賦之曰。渺長河之落日兮。天沈沈而奏笳。摧陰山之白草兮。裂黃雲而捲沙。泣將軍之降鬼兮。與蔡女之咨嗟。既大節之莫救兮。又奚言之足嘉。

歸輪歸輪者。驅車之聲也。

陳子聞而賦之曰。亘修途以欲暮兮。野遼遼其無人。翻轉轉以言邁兮。奏孤征之兩輪。憊勞音之既遠兮。望平原之暗塵。恐末路之嶮巇兮。展冲冲之我心。

鳴楫鳴楫者。操舟之聲也。

陳子聞而賦之曰。睇川河以既森兮。蕩鳴楫而何之。破秋萍於欲聚兮。鼓文浪而迴隄。笑罔水可行舟兮。味陸海之無涯。起風波於四顧兮。徒臨流而汝思。

地籟

灘聲灘聲者水石相擊聲也

陳子聞而賦之曰。怒迴岸以若抗兮。扼飛源於上游。迸哀瀧而奔瀉兮。逝滔滔其莫休。聲潺湲以擊于枕兮。魂汨汨而欲流。謂靈均之彷彿兮。寤須臾之足羞。

谷聲谷聲者虛谷接物之聲也

陳子聞而賦之曰。抱紆岡以貯響兮。副有聲而和旃。鳥嚶嚶其效苦兮。風淒淒而愈嚴。輔孤臣以太息兮。偕怨女而告天。酌虛空之警欬兮。慰山鬼之笑言。

林聲林聲者林木和風之聲也

陳子聞而賦之曰。森高林以藐遠兮。感吹萬而怒號。震晴空之雷雨兮。礪陸野之洶濤。雖美惡之同風兮。諒貞靡之異操。憂樛櫟之偕朽兮。羨松柏之後凋。

落葉聲落葉聲者木葉脫落聲也

陳子聞而賦之曰。既霜露以申戒兮。復寒風以見摧。實衰運之伊遘兮。匪故條之忍辭。約閨容以竝落兮。引鄉心而共飛。拚芳華於回首兮。嘆飄泊其焉依。

雞聲雞聲者陽將升雞感之而爲聲也

陳子聞而賦之曰。知曜靈之將曙兮。度芳聲於夜壑。動征車於前路兮。送孤舟於天涯。衣顛倒以振予裳兮。愴河山之已非。念牝晨之凶索兮。又焉思乎后妃。

蛙聲蛙聲者沮澤之鳴蛙也

陳子聞而賦之曰。鬱葭葢以被野兮。欲闕灰其無從。都沮洳以爲勝兮。擅長鳴以稱雄。嗟子陽之尊大兮。感華林之太蹙。予微茲之故兮。胡爲乎泥中。

子鵲一名鵲周蜀鳥也今在處有之

陳子聞而賦之曰。當仲陽之方茂兮。美百草之奮興。哀秦隴之多客兮。怪藟周之夜鳴。動繁情於中歲兮。墜纖月於荒城。雖開明之克聖兮。能無傷乎此聲。

猿聲猿聲者啼援聲也

陳子聞而賦之曰。夜悠永以無際兮。扃空山之闐寂。揚悲音於林杪兮。裂崇岡而四出。豈南征之君子兮。哀故軀之莫得。知變化之非類兮。宜安夫運之所值。

蟬聲蟬聲一曰蜩蟬也

陳子聞而賦之曰。謝蜚壤以冲舉兮。登高枝以優游。飲清露以自滋兮。睨萬物以焉求。惡芳聲之莫振兮。詎無舌而少休。恐螳螂之奄至兮。豈惟限乎春秋。

蟋蟀聲 益也一名促織

陳子聞而賦之曰。虛白月於秋除兮。避零露千宵徑。既升堂以入室兮。復同聲而相應。此云息而彼興兮。寐欲成而還聽。歎杼柚之多空兮。雖懶婦其何病。

鴈聲 一曰陽鳥

陳子聞而賦之曰。度秋風於絕塞兮。審厥居於彭蠡。雲垂垂其天遠兮。嘆孤征而莫止。既啣蘆以似智兮。何不材而取死。羨冥冥之高舉兮。嗚弋人之慕爾。

鳥聲 一曰蜀山鳥

陳子聞而賦之曰。麗玄形於赤日兮。受靈質於瑤星。願推愛於君子兮。毋取譬於一鳴。慨難驚不可與爭食兮。悼危巢之未足以寧。懷反哺之大義兮。曷勝平予之私情。

鵲聲 一曰服鳥

陳子聞而賦之曰。乘陰風以嘯乎幽薄兮。度西堂而來此聲。擁寒凋而起聽兮。驚焉傷夫賈生。既同死生於不較兮。恐有言之未能。知響不爲惡聲美兮。聊寫賦以與廣。